

Bosna i Hercegovina
Federacija Bosne i Hercegovine
Federalno ministarstvo energije, rudarstva i industrije
Mostar

Program
utroška sredstava utvrđenih u razdjelu 17. Budžeta Federacije
Bosne i Hercegovine za 2018. godinu Federalnom ministarstvu
energije, rudarstva i industrije „Tekući transferi i drugi tekući
rashodi - Subvencije javnim preduzećima“

Mostar, april 2018. godine

1. UVOD

U procesu naplate doprinosa za PIO/MIO zapažena je izrazita nedisciplina značajnog broja obveznika plaćanja doprinosa ili nemogućnost izvršavanja obaveza usljed nelikvidnosti, što narušava socijalnu i fiskalnu stabilnost zemlje. Kako se radi o iznimno značajnom socijalnom pitanju, ukazala se potreba za uvođenjem mjera pomoći u svrhu poboljšanja stepena naplate navedenih obaveza. U vezi sa naprijed navedenim, u Budžetu Federacije Bosne i Hercegovine za 2018. godinu, u razdjelu 17, glava 1701, ekonomski kod 614- Tekući transferi i drugi tekući rashodi, na poziciji „Subvencije javnim preduzećima“ osigurana su sredstva u iznosu od 1.500.000,00 KM za uvezivanje neuplaćenog staža.

2. PRAVNI OSNOV

- Projekat: Razvoj industrijske politike u Federaciji Bosne i Hercegovine, („Službene novine Federacije BiH“, broj 40/10);
- Akcioni plan za realizaciju projekta „Razvoj industrijske politike u Federaciji BiH“ 2016-2019 (Zaključak V. broj 91/2016 od 14.01.2016. godine);
- Strategija razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine ("Službene novine Federacije BiH ", broj 65/13);
- Izmjene i dopune Akcionog plana 2013-2018. godine za realizaciju Strategije razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine (Zaključak V. broj 1823/2016 od 29.09.2016. godine);
- Strategija razvoja namjenske industrije u razdoblju 2012-2022. godine.

3. ZAKONODAVNI OKVIR PROVOĐENJA PROGRAMA

- Budžet Federacije Bosne i Hercegovine za 2018. godinu („Službene novine Federacije Bosne i Hercegovine“, broj 5/18);
- Zakon o izvršavanju Budžeta Federacije Bosne i Hercegovine za 2018. godinu („Službene novine Federacije Bosne i Hercegovine“, broj 5/18);

4. CILJ PROGRAMA

Program utroška sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije javnim preduzećima (u daljem tekstu: Program) odnosi se na finansiranje neizmirenih obaveza preduzeća na osnovu uplate za PIO/MIO zaposlenicima koji ostvaruju uslove za penzionisanje. Odobrena sredstva su grant sredstva i dodjeljuju se za izmirenje dugovanja preduzeća za neuplaćene doprinose samo na osnovu PIO/MIO, zaposlenicima koji su stekli uslove za odlazak u penziju ili će ih steći do dana podnošenja zahtjeva. Rezultat provođenja Programa, ima za cilj rješavanje socijalnog statusa zaposlenika, kroz penzionisanje.

5. NAMJENA DODIJELJENIH SREDSTAVA

Dio sredstava dodijeljenih Federalnom ministarstvu energije, rudarstva i industrije (u daljem tekstu: Ministarstvo) u Budžetu Federacije Bosne i Hercegovine za 2018. godinu u razdjelu 17, ekonomski kod 614 dodjeliti će se Javnim preduzećima, odnosno preduzećima u kojem Federacija Bosne i Hercegovine ima udio u vlasništvu u iznosu od najmanje 50% plus jedna dionica, računajući i na preduzeća u poteškoćama i u stečaju.

Sredstva će se dodjeljivati preduzećima čija je osnovna djelatnost vezana za sljedeće sektore industrijske proizvodnje:

- Metalna, elektro i automobilska industrija,
- Industrija građevinskog materijala,
- Drvena, papirna i grafička industrija,
- Proizvodnja tekstila, kože i obuće,
- Hemijska industrija i industrija gume i plastike i
- Namjenska industrija.

6. KRITERIJI ZA IZBOR KORISNIKA SREDSTAVA ZA DODJELU

Korisnici sredstava po ovom Programu su sva preduzeća kao i preduzeća u poteškoćama ili u stečaju sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sektorima navedenim u tački 5. ovoga Programa, te da zapošljavaju najmanje 50 zaposlenika, osim za preduzeća u stečaju.

Pri izboru korisnika sredstava, ukoliko ne bude dovoljno sredstava za dodjelu, koristiće se i sljedeći kriteriji:

1. Broj zaposlenih koji će ovim Programom biti penzionisani - (preduzeće koje podnosi zahtjev za dodjelu sredstava uz pomoć kojih će veći broj zaposlenika biti penzionisan, ima prednost u odnosu na ostale podnosiocje zahtjeva u slučaju kada su zadovoljeni svi kriteriji po Programu i Javnom pozivu);
2. Broj zaposlenih - (preduzeće koje podnosi zahtjev za dodjelu sredstava i ima veći broj zaposlenih u odnosu na ostale podnosiocje zahtjeva, ima prednost, u slučaju kada su zadovoljeni svi kriteriji po Programu i Javnom pozivu);
3. Teritorijalna zastupljenost – (prilikom odabira korisnika sredstava mora se posvetiti posebna pažnja ravnomjernoj zastupljenosti korisnika s cijelog područja Federacije Bosne i Hercegovine, odnosno kantona);

Napomena:

- prilikom formiranja liste sa imenima zaposlenika iz istog preduzeća, a koji ostvaruju pravo po ovom Programu, prednost će imati zaposlenik sa ranijim datumom sticanja prava na penziju.

7. SREDSTVA PREDVIĐENA ZA DODJELU

Sredstva za provođenje ovog Programa utvrđena su u razdjelu 17, ekonomski kod 614 Budžeta Federacije Bosne i Hercegovine za 2018. godinu.

Navedena sredstva su grant sredstva Federalnog ministarstva energije, rudarstva i industrije i dodjeljivati će se po raspisanom Javnom pozivu.

Budžetom Federacije Bosne i Hercegovine u 2018. godini, Ministarstvu, u razdjelu 17, „Tekući transferi i drugi tekući rashodi - Subvencije javnim preduzećima“ obezbijedeno je ukupno sredstava u iznosu od 1.500.000,00 KM i predviđeno je da se ista rasporede ovim Programom.

Dodjela sredstava po ovom Programu biti će regulisana ugovorom o dodjeli grant sredstava, koji se sklapa između Federalnog ministarstva energije, rudarstva i industrije, sa jedne strane, i korisnika, sa druge strane.

Javna preduzeća po ovome Programu mogu ostvariti pravo na dodjelu sredstava samo po jednom podnesenom zahtjevu.

8. TRAJANJE PROGRAMA

Program traje do utroška sredstava, a najkasnije do kraja fiskalne godine.

9. TIJELA NADLEŽNA ZA PROVOĐENJE PROGRAMA

Tijela nadležna za provođenje i nadzor nad namjenskim korištenjem sredstava po ovom Programu su Ministarstvo i Federalno ministarstvo finansija/financija, svako u okviru svoje nadležnosti.

U svrhu kontrole namjenskog korištenja dodjeljenih sredstava korisnik je dužan dostaviti Ministarstvu uvjerenje/potvrdu od Porezne uprave Federacije Bosne i Hercegovine kojom se dokazuje da su za osobe navedene u uvjerenju/potvrdi izmirene sve obaveze radi odlaska u penziju. Uvjerenje/potvrdu treba dostaviti najkasnije 3 mjeseca od dana uplate sredstava.

U slučaju da se sredstva ne opravdaju, preduzeće, kojemu su ista dodijeljena, je obavezno vratiti sredstva na jedinstven račun Trezora Federacije Bosne i Hercegovine.

10. PROVOĐENJE PROGRAMA

Sredstva se dodjeljuju na osnovu raspisanog Javnog poziva. Javnim pozivom se definiše potrebna dokumentacija koja se prilaže uz zahtjev za dodjelu sredstava. Javnim pozivom, od potencijalnih korisnika sredstava, će biti zatražena sljedeća dokumentacija:

- Zahtjev za dodjelu grant sredstava,
- Spisak zaposlenika koji su ostvarili uslove za odlazak u penziju usaglašen sa podacima iz nadležne Porezne uprave, sa datumom sticanja tog prava i iznosom duga samo na osnovu PIO/MIO, ovjeren i potpisan od strane nadležnog lica preduzeća i nadležne Porezne uprave,

- Aktuelni izvod iz u sudskog registra (ne stariji od 30 dana),
- Statut ili odluka/akt o osnivanju,
- Uvjerenje o poreznoj registraciji kod Porezne uprave – ID broj,
- Uvjerenje o registraciji obveznika poreza na dodanu vrijednost – PDV broj,
- Obavjest nadležnog zavoda za statistiku o razvrstavanju prema djelatnosti,
- Lične karte i CIPS potvrde o prebivalištu lica ovlaštenih za zastupanje,
- Izjavu sačinjenu, ovjerenu i potpisanu od strane odgovornog lica preduzeća, kojom se preduzeće obavezuje da će po odobrenju grant sredstava izvršiti uplatu zaostalih sredstava na osnovu ostalih doprinosa i to za zaposlenike za koje se traže grant sredstva,
- Spisak zaposlenika iz matične evidencije aktivnih osiguranika, izdat od strane nadležne Porezne uprave ne stariji od 30 dana od dana podnošenja zahtjeva (min. 50 zaposlenika),osim za preduzeća u stečaju.

Napomena: Zahtjev za dodjelu grant sredstava može se preuzeti na web stranici Ministarstva (www.fmeri.gov.ba).

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava.

Pismeni zahtjev za dodjelu sredstava sa potrebnom dokumentacijom po Javnom pozivu, uvezan i poredan po tačkama Javnog poziva, podnosi se Ministarstvu na memorandumu društva, potpisan od strane ovlaštenog lica sa naznakom iz kojeg se industrijskog sektora traže sredstva (Metalna, elektro i automobilska industrija; Industrija građevinskog materijala; Drvena, papirna i grafička industrija; Proizvodnja tekstila, kože i obuće; Hemijska industrija i industrije gume i plastike, Namjenska industrija).

U cilju provođenja postupka dodjele sredstava na osnovu podnesenih zahtjeva, federalni ministar energije, rudarstva i industrije, Rješenjem, imenuje Komisiju za pripremu i provođenje poziva za realizaciju Programa utroška sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije javnim preduzećima“ (u daljem tekstu:Komisija za selekciju), koja se sastoji od tri člana iz reda zaposlenika Ministarstva.

Radu Komisije za selekciju, na prijedlog članova Komisije za selekciju, mogu prisustvovati i predstavnici Udruženja poslodavaca Federacije Bosne i Hercegovine i Sindikata Bosne i Hercegovine, ukoliko članovi Komisije za selekciju to ocijene za potrebnim.

Javni poziv po ovom Programu biti će raspisan nakon usvajanja Programa od strane Vlade Federacije Bosne i Hercegovine i biti će otvoren 30 dana od dana zadnje objave.

Ukoliko sredstva ne budu utrošena po raspisanom Javnom pozivu, Federalno ministarstvo energije, rudarstva i industrije će ponovo raspisati Javni poziv.

Komisija za selekciju će izvršiti pregled pristiglih zahtjeva za dodjelu sredstava, s ciljem utvrđivanja formalne ispravnosti istih i pri izboru korisnika će poštivati osnovne principe kao što su jednako postupanje, ravnomjerna teritorijalna zastupljenost, povjerljivost i transparentnost. Komisija za selekciju je dužna sačiniti zapisnik.

Komisija za selekciju može zatražiti od preduzeća dodatna pojašnjenja i dodatnu dokumentaciju.

Komisija za selekciju će nakon razmatranja svih ocijenjenih zahtjeva koje dobija od Komisije za ocjenu, dati prijedlog za odobravanje budžetskih sredstava i izraditi prijedlog Odluke o dodjeli sredstava.

11. KONTROLA UTROŠKA GRANT SREDSTAVA

Ministarstvo će imenovati Komisiju za praćenje i evaluaciju namjenskog utroška grant sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima“ (u daljem tekstu: Komisija za praćenje i evaulaciju).

Komisija za praćenje i evaulaciju radi u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine „Službene novine Federacije BiH“ broj 15/18, Programom i Javnim pozivom, te svojim internim aktima i dužna je sačiniti Zapisnik o utrošku sredstava za svako preduzeće. Zapisnik se dostavlja Komisiji za selekciju i federalnom ministru energije, rudarstva i industrije. Izvještaj o utrošku grant sredstava za 2018. godinu će se putem Ministarstva dostaviti Vladi Federacije Bosne i Hercegovine na razmatranje i usvajanje.

12. OBJAVLJIVANJE AKTA

Ministarstvo će ovaj Program, Odluku o usvajanju Programa i Odluku o dodjeli sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima“, objaviti u „Službenim novinama Federacije BiH“ i na web stranici Ministarstva: www.fmeri.gov.ba

Ministarstvo će Javni poziv za kandidovanje Programa utroška dijela sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima“ objaviti u dnevnoj štampi „Večernji list“ i „Dnevni avaz“, te u „Službenim novinama Federacije BiH“, kao i na web stranici Ministarstva: www.fmeri.gov.ba

MINISTAR

Nermin Džindić